



Na osnovu člana 70. Zakona o organizaciji organa uprave u Federaciji BiH ("Sl. novine Federacije BiH" broj: 35/05), člana 6. Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Sl. novine BPK Goražde“ broj: 9/13, 11/14 i 15/19) i člana 51. Zakona o izvršenju Budžeta Bosansko-podrinjskog kantona Goražde za 2021.godinu („Sl. novine BPK Goražde“ broj: 2/21), a u skladu sa Programom utroška sredstava sa ekonomskog koda 614 200 «Tekući transferi pojedincima» na koji je Vlada BPK Goražde dala saglasnost Odlukom broj: 03-11-393/21 od 12.03.2021.godine, Ministarstvo za boračka pitanja Bosansko-podrinjskog kantona Goražde raspisuje:

**JAVNI POZIV**  
**za podnošenje zahtjeva za ostvarivanje prava**  
**na participaciju troškova za nabavku lijekova koji nisu na esencijalnoj listi i**  
**jednokratnih novčanih pomoći za liječenje i socijalne potrebe**  
**branilaca i članova njihovih porodica u 2021.godini, utvrđenih Zakonom o dopunskim pravima**  
**branilaca i članova njihovih porodica u Bosansko-podrinjskom kantonu Goražde**

## **I PREDMET JAVNOG POZIVA**

Predmet Javnog poziva je finansiranje dopunskih prava branilaca i članova njihovih porodica utvrđenih Zakonom o dopunskim pravima branilaca i članova njihovih porodica u Bosansko-podrinjskom kantonu Goražde ("Službene novine BPK Goražde" broj: 9/13, 11/14 i 15/19) (u daljem tekstu: Zakon) u skladu sa Programom utroška sredstava sa ekonomskog koda Ministarstva za boračka pitanja Bosansko – podrinjskog kantona Goražde 614 200 – „Tekući transferi pojedincima“ za 2021.godinu (u daljem tekstu: Program) i to:

1. Participacija troškova za nabavku lijekova koji nisu na esencijalnoj listi;
2. Jednokratna novčana pomoć za liječenje branilaca i članova njihovih porodica;
3. Jednokratna novčanu pomoć za socijalne potrebe branilaca i članova njihovih porodica.

Maksimalan iznos sredstava utvrđen Programom za finansiranje prava pod tačkom 1. je 15.000,00 KM.

Maksimalan iznos sredstava utvrđen Programom za finansiranje prava pod tačkom 2. i 3. je 40.000,00 KM.

## **II PRAVO UČEŠĆA**

Na Javni poziv, zahtjeve mogu podnositi lica iz člana 1. i 2. Zakona i to: ratni vojni invalidi i članovi njihovih porodica, članovi porodica šehida, članovi porodica poginulih, umrlih i nestalih branioca, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnog priznanja i odlikovanja, ratni vojni zarobljenici i demobilizirani branioci i članovi porodice umrlih demobiliziranih branilaca i mirnodopskih vojnih invalida sa područja Bosansko-podrinjskog kantona Goražde i susjednih opština u RS, koji ispunjavaju uslove propisane Zakonom.

## **III PODNOŠENJE ZAHTJEVA**

Za priznavanje i ostvarivanje prava navedenih u poglavlju I Javnog poziva, **zahtjevi se se podnose Ministarstvu za boračka pitanja Bosansko-podrinjskog kantona Goražde**, na adresu ulica Prve slavne višegradske brigade broj 2a, 73000 Goražde, ili predaju na Pisarnicu Kantona tokom radnih dana u periodu od 08<sup>00</sup>-16<sup>00</sup> sati. Obrasci zahtjeva za ostvarivanje ovih prava mogu se preuzeti u prostorijama Ministarstva za boračka pitanja BPK Goražde ili na web stranici <http://mb.bpkg.gov.ba/zahtjevi-i-obraci>.

#### **IV ROK ZA PODNOŠENJE ZAHTJEVA**

Zahtjevi za priznavanje i ostvarivanje prava navedenih u poglavlju I Javnog poziva, **podnose se kontinuirano tokom godine, odnosno do utroška raspoloživih sredstava utvrđenih Programom.**

#### **V USLOVI I NAČIN OSTVARIVANJA PRAVA**

Uslovi, način i postupak ostvarivanja prava navedenih u u poglavlju I Javnog poziva utvrđeni su odredbama Zakona o dopunskim pravima branilaca i članova njihovih porodica u Bosansko-podrinjskom kantonu Goražde i podzakonskim aktima donesenim, uz saglasnost Vlade BPK Goražde, od strane Ministra za boračka pitanja. Isti se mogu preuzeti na web stranici Ministarstva.

**MINISTAR**

Edin Aganović

Broj: 11- 11-398/21  
Goražde, 09.04.2021.godine